

SCRIPTA

Numéro Scripta : 4132

Auteur(s) : Louis IX, France (roi)

Bénéficiaire(s) : Feings, Le Valdieu-Réno (prieuré)

Genre d'acte : vidimus

Authenticité : non suspect

Datation : 1233, août

Lieu d'émission : Senlis

Action juridique : confirmation

Langue du texte : latin

Analyse

En vidimant la charte de Rotrou, comte du Perche, Louis [IX], roi de France, confirme la fondation de la Chartreuse [du Val-Dieu].

Tableau de la tradition

Éditions principales

a. Delisle Léopold, *Cartulaire normand de Philippe-Auguste, Louis VIII, Saint-Louis et Philippe le Hardi*, Caen, Hardel (MSAN ; 16, 2e série, 6, p. 160-390), 1852, n° 407, p. 65 et p. 315.

Texte établi d'après a

Ludovicus, Dei gratia, Francorum rex. Noverint universi, presentes pariter et futuri, quod nos in litteris Rotroldi, quondam comitis Pertici, vidimus contineri, quod, cum ipse fratres ordinis Cartusiensis in terram suam adduxerit, ipsis, assensu uxoris sue et Gaufridi, filii sui, et uxoris ejusdem Gaufridi, habitationis et possessionis ipsorum fratrum terminos assignavit, sicut in ipsorum litteris continetur, et concessit eis quidquid in foresta de Reinou jure hereditario infra prescriptos terminos possidebat, et quod pacifice possiderent quidquid juste possent acquirere infra terminos nominatos ; ad alenda etiam animalia sua in tota terra sua, tam ipse quam barones ejus, pascua eis benigne concesserunt, et, ad pacem ordinis Cartusiensis conservandam, omnes ad eos euntes et redeuntes tuendos habere decrevit idem comes. Nos autem, humilibus precibus dictorum fratrum benigne annuentes, volumus et concedimus ut donationes suprascriptas habeant et possideant, sicut eas usque ad nostra tempora possederunt, et utantur eis sicut usque nunc fratres usi sunt memorati. Actum apud Silvanectum, anno Domini M° CC° XXX° III°, mense augusti.